

四庫全書

集部

欽定四庫全書

青山集卷八

宋 郭祥正 撰

長句古詩

送朱王二秀才歸江西

冰霜凍海海水黑雲霧崩騰大空塞
饑猿哀啼虎噤嘯
高鴻折翅鷹斂翮
苦寒大苦吾正愁
二子胡為千里客
自言失意西南歸
十斛明珠已空擲
廬山摩天瀑布雄
請把肝腸洗愁寂

送沈司理赴闕改官

捕寇治獄皆有聞才力縱橫真出羣薦書交上三歲滿
玉陛引對瞻吾君胸中策畫爛星斗筆寫紙上虬龍奔
完創補弊有捷理此時歧路挈青雲雲霄問誰作霖雨
願洗邊城血中土和氣油然熟禾黍天下蒸黎免窮苦
男兒事業當致主我獨沈溝亦無語離亭愁懷安可數
春風自在花飛舞船尾插旗轟畫鼓操袂青山遮別浦

送方奉議倅保德

彥德

太行積雪三千尺，渾河連天厚冰塞。
天台詞人不畏寒，攜家直赴并州北。
越羅蜀錦置筐箱，狼帽羶裘付妻息。
邊城雖道無戰塵，塞草從來少春色。
馬上題詩泣鬼神，何時歸奏平戎策。
我欲為書叩相閣，喚取斯人侍君側。

送王主簿棄官歸建昌

老著青衫羞望舫，自笑風船禁不得。
拂衣高詠歸去來，我有麻源三畝宅。
朝飡太陽茹紫芝，時時更作方平客。
肯嗟垂橐少黃金，兒孫只用傳清白。

送陳大夫罷太平守還臺

去年秋暮送東玉，今歲春殘送予儀。
人生不老安可得，況復年年傷別離。
請說湓江初識面，已知磊落胸中奇。
桐鄉之會愈相樂，是時解印予言歸。
公乘扁舟過溪口，殷勤訪我論新詩。
君章下車始命客，邀公與我同遨嬉。
開懷醉倒信莫逆，十年一夢音塵稀。
忽聞公來守吾土，餘生幸獲仁賢依。
政成無擾威惠浹，白駒馳隙臨瓜期。
梨花奪月爛銀白，繪盤縷玉江魚肥。
酒傾碧盞盞嘗滿。

曲度晴雲雲不飛，車輪未許生四角。且願逆風東北吹，
留連更盡一壺酒。無使醒淚沾行衣，十科應詔公第一。
出入省寺非公誰，欲陪後會定何許。咄嗟自此分雲泥，

峨嵋亭即席再送

是歲之春上有
賞花釣魚之宴

長江奔來一山裂，兩岸崔嵬聳雙闕。石人空老辟蘿衣，
夜夜孤猿嘯寒月。斯亭誰作名峨嵋，顰翠含愁惜離別。
浮生後會難再得，況復相看頭雪白。停盃執手聊逡巡，
畫鼓銅鉦莫催客。客行西望紫皇家，紫皇真人駕龍車。

海若驅鯨上金釣玉女挾春妝寶花千官稱觴祝天壽
簫韶九成奉肴酒青霄濶步隨鵷鸞肯向江頭戀楊柳
柳花飛春日遲登峨嵋兮送君歸

留別宣城李節推

獻父

君作宣城幕下吏我嘗築室青山址三四相逢五六年
交情淡若秋江水流到海無窮時吾輩論交無衰期
明主可結亦未晚謝安四十功非遲低頭感事復太息
汲汲功名亦何益君不見屈原言直沈湘水韓信功高

亦誅死窮達無過士十年事業空存一張紙不如飲酒
臨春風溪水綠淨山花紅金絲玉管亂兩耳一醉三百
琉璃鍾醉來辭君登海槎四方上下皆吾家

投別發運張職方

仲舉

蕭蕭乾葉欲辭柯曉來更奈嚴霜何明知飄泊不得已
請君試聽離人歌生平學盡經濟策宗工大匠親琢磨
三入長安獻不售困鱗悵望西江波感君聊借一盃水
六月炎蒸免枯死高談雄辯為我傾古恨今憂對君洗

全宋文卷八
賣薪綸家妻子羞淮陰胯下未封侯故人騎龍不相助
子陵自欲追巢由拔山力盡真可傷江湖安得重相忘
恩讐必報乃壯士如今孰是韓張良玉手纖纖把金盞
更聽新聲碎瑤板醉鄉酩酊萬事休功名難成歲華晚
噫吁嚱秋風已老白雲飛鄉關咫尺未能歸倚瑟而歌
悲帝子南山遙望淚沾衣願君聞此頗矜惻許借長帆
還澤國他日堯階薦姓名投老猶能奉鞭策

酬吳著作

子正

醉乘黃犢窮山河倏然遂向桃源過桃源盡處見城郭
萬家訢訢聞絃歌主人喜掃溪上榻愛我鬢髮塵埃多
旋呼瓊液注玉筍麟孫出拜能吟哦使令勸我須醉倒
不知與世為誰何醒來忽別未十月敢期佳句傳靈波
千年不落一字俗凜凜秋風吹太阿大才小用小有補
牛羊茁壯餘無他何時赴詔玉京去萬物待子能調和

康王洞呈同遊訥禪師

康王洞口無塵埃青山嶄巖水迢迢飛橋百尺渡天險

下聽谷響如奔雷憑欄要識物外物沏寥寥兮何有哉
但見東阜聳樓閣碧瓦鱗鱗而崔嵬虹電披猖雨新歇
金雲點綴芙蓉開斜陽疎光照不入異景萬變誰能裁
仙家遺象已可愛是時況與禪宗來瞳人照耀骨森竦
皎如皓月凌寒梅險句卷起谷簾水真珠萬斛收蒼崖
猿不能啼鳥無語巨石枯木為之摧達即善用用即妙
斯遊何異登蓬萊回頭碌碌利名士日蠹日朽令人哀

酬李推官淮上見寄

霜寒水落平沙露短艇悠悠尋泊處驚弦旅雁失羣飛
貪餌脩鱗隨網去世情翻覆可沾巾三千食客背田文
不須更待年華老便向東山卧白雲

南雄除夜讀老杜集至歲云暮矣多北風之句
感時撫事命為題篇

歲云暮矣多北風怒噪萬里吹驚鴻只令我亦在行旅
陟彼庾嶺臨蒼穹霜寒不復瘴霧黑酒賤頗得樽壘紅
鼓角看看變新律燭淚璀璨隨殘冬一階寄祿百無補

白髮又送年華終鬼章雖獲萬國賀防邊未可旌旗空
中原將師誰第一願如衛霍皆成功廟堂赫赫用耆舊
熟講仁義安羌戎我甘海隅食蚌蛤飽睎兩邑調租庸
嗚呼不獨夔子之國杜陵翁牙齒半落左耳聾

廣州越王臺呈蔣帥待制

番禺城北越王臺登臨下瞰何壯哉三城連環鐵為甃
睥睨百世無傾摧蕃坊翠塔卓椽筆欲蘸河漢濡烟煤
滄溟忽見颶風作雪山崩倒隨驚雷有時一碧滄萬里

洗濯日月光明開屯門鉦鐃雜大鼓船舶接尾天南回
斛量珠璣若市米擔束犀象如肩柴越王胡為易馴服
陸生辯與秦儀偕當時貢物競何有漢家宮殿今蒿萊
邦人每逢二月二熙熙載酒傾城來元戎廣宴命賓客
即時海若收風霾羣心愈喜召和氣百伎盡入呈優俳
樂聲珊珊送妙舞春色盎盎浮樽罍鬼奴金盤獻羊胛
薔薇餅水傾諸懷嗟余老鈍已茅塞坐視珠履慚追陪
青蠅何知附驥尾伯樂底事矜駑駘番禺雖盛公豈愛

亭亭自是巖廊材千年故事寫長句指畫造化回枯荄
昌黎氣焰遂低縮瓦礫未足當瓊瑰仙姿勸公莫妄想
元鼎久待調鹽梅

蒲澗奉呈蔣帥待制

菖蒲澗底生九節流水遂作菖蒲香安期服之已仙去
漫脫雙鳥留秦皇秦皇殺伐自無度年齡社稷何由長
蓬萊畢竟不可見十祠千載聊相望散髮追之又無迹
後來詭譎傳崔郎至今正月二十五城北夾道珠簾張

元戎要賓鉞大鼓老蠻獻饌燒肥羊傾城盡作蒲澗飲
美俗眷戀神仙鄉穿雲絲竹度別浦遶山金翠明殘陽
我乘欸段到已晚越臺僅得參壺觴公攜大句使我讀
冰澌戛齒清琅琅張侯繼作亦精敏蘭茝相倚傳芬芳
却尋陳事考僭迹死佗稱帝銀稱王基山控海恃遠嶮
大明一出旋消亡豈如戴主効臣節白骨雖朽忠名彰
只今神孫太母聖天下擊壤歌時康佳期不邀墓中鬼
樂民之樂真循良勒詞蒼崖告萬古蒲澗之會無淫荒

石屏臺致酒呈蔣帥待制

石屏臺下玉池水遶岸石屏青齒齒鑄劖初自人力成一石十牛車不起輦置應須費萬金園囿森羅供宴喜蒼蘚昏埋歲月遠脩藤纏絡根相倚劉鋹族氏已無餘此物猶存舊基址曾經戰鼓轟雷霆屢對春風閱羅綺老榕交陰不透日客袂生寒冰雪洗小橋斷處棧梯連一綫崎嶇劣容跬未知深窟藏龍虵但見枯荷閣螻蟻摩挲題字考前人名姓班班少奇偉請公椽筆賦大篇

歌頌永平誅僭擬光焰須令萬丈長一時行樂何足紀

朝漢臺寄呈蔣帥待制

鹿入望夷秦欲滅真劔先流白蛇血尉佗椎髻爾何為
漫占海隅蛟蜃穴祝融之符天下歸豈假陸生三寸舌
千金裝橐未為多更上高臺拜堯闕至今人說朝漢臺
不知此地藏蒿萊使君好事一登賞譬若古鏡初磨開
香爐烟生石門曉三山翠擁浮丘來風松自作笙簫響
暮霞却捲旌旗回長空無礙鳥無跡人事寧須問今昔

瓊漿且泛琉璃船滿眼夕陽留不得登臺何似登金門
爛吐文章侍君側願公歸作老姚崇莫學江東窮李白

次韻和元興待制後浦宴集三首

往歲遭風洞庭浦悔不攜耒從老圃昨日金城逢故人
萬丈虹蜺思一吐更在芙蓉池上游桂枝為櫟木蘭舟
舞妓相將擢歌去疑是西施浣紗處皓腕翩翩翻雪藕絲
婉若游龍或驚驚願公對客少留連早晚沙堤問歸路
欲飛太白嫌秋暑約我留連菊花圃

公詩有插盡黃
花君上路之句擷

芳持酒聽君吟
冰絲軋軋吳蠶吐
只今且挈茗盃遊滄
浪
同泛採蓮舟
君當復入玉堂去
為吾還思採蓮處
葉間爭看戲鴛鴦
花底誰曾愛鷗鷺
柳州烟島自迷人
員嶠方壺豈無路

誰為宓妃尋洛浦
且看芙蓉照秋圃
爛漫折隨羅袖歸
芬香忍對西風吐
官池不屬野人遊
畫鼓喧喧駕鷁舟
賓從欣陪史君去
筵開正在紅雲處

謂之花鳥

獨攜椽筆發

清唱老鶴昂藏映
雞鶩敢辭倒載委
籃輿絳臘行行

音杭

夾城路

和懶散贈葫公

葫公家在東園隅，世族蕃衍今仍孤。平生嗜酒少知者，
請說懶散提攜初。杖頭世界迷日月，豁然心地無榛蕪。
人人未飲公輒醉，坐卧只與樽罍俱。革華開口洩上旨，
毛穎禿髮非中書。貪官雖得後乃辱，智慮可惜于身疎。
豈如葫公泛滄海，不用鼓枻并乘桴。蓬萊頂上受玉液，
酣酣至樂忘榮枯。劫火任滅公未醒，不復願進承明廬。

承明侍宴盡金玉君豈有意來相呼

魏武廟

濡須山頭祠魏武
炫轉紅裝按神鼓
蘋藻盈筐酒滿樽
呼吸風雷激春雨
田疇高下春雨平
操牲飲福羅中庭
吞吳成魏遇歸晉
血食猶參社鬼靈

向舜畢秘校席上贈黃州法曹杜孟堅即君懿
職方之孫也

青天無雲日華滿
小妓樓中吹玉管
卷簾不信夜霜寒

熏蘭酌桂肌膚暖黃州之客最少年醉來口角傾詞源
驚龍掣電繞滄海沙場陣馬成功旋殿賜新袍織春草
水溢雙瞳犀插腦壯圖佇結明主知帶束黃金應未老
宣城憶拜乃翁時幕中珠履皆雄奇至今名姓記僧壁
當年已識麒麟兒嗟予老人日零落兩鬢衰蓬眼生膜
寸心猶欲慕夷齊險路無緣攀衛霍邂逅桐鄉逢故人
槐槽瀉釀追陽春形容若畫凌烟閣第一江南尋隱淪
清明望藏雲山懷舊遊

憶昔清明出郊去藏雲寺前花正開蜜蜂銜蕊異香散
時時灑面微風來溪泉甘滑碧玉色晴山倒影無纖埃
紅粉佳人十七八踏青唱歌雲鬢頰黃犢行牽載酒甌
到處便傾三百盃或逢濃陰藉草坐口橫玉笛吹落梅
傍人問我樂何事我心無事同嬰孩誰令東帶入官府
觸網脩鱗難再回清明依舊好時節朱顏憔悴無由陪
藏雲之山亦非遠隔江東望青崔嵬

青山集卷八

欽定四庫全書

青山集卷九

宋 郭祥正 撰

長句古詩

遊道林寺呈運判蔡中允昆仲如晦用杜甫原

韻

長沙城西湘水隅道林古寺松門紆嘗聞秀絕超五嶽
果見氣象吞重湖殿前銜花走白鹿殿裏沈烟焚玉爐
何人塑出慈氏象冠纓動活搖明珠高僧處處有遺跡

盤石坐禪龍虎俱唐人妙筆數歐沈至今板上棲羣鳥
五言七字又奇絕此寺此堂天下無不緣薄官豈能賞
勇往兼有兒孫扶賈生前席竟憂死屈原懷沙終自誅
投身及早卜幽隱淡泊久乃勝甘腴雲生岳嶠月晦影
雨過橘洲猿夜呼細吟靜境足自適忠憤未合思捐軀
趨玄飽讀長者論養真默合烟蘿圖千篇愧比老杜老
一節願隨孤竹孤况陪使者共遊覽二謝弟舅真友于
不知昔日楊常侍何似今朝蔡大夫

舒州使宅天柱閣呈朱光祿

羣山奔來一峯起千丈芙蓉碧霄倚嫦娥却月愁推輪
王母呼烟結繒綺分明有路金闕通翠滑無塵玉壺洗
老松自作孤鳳吟駭浪時翻三井水嵯絕巔安足論
力不擎天亦徒爾懊惱茂陵客白日求攀天遺壇猶在
半蕪沒隱約龍馭回瑤鞭直至唐家六皇帝夢感異境
開重玄真符預告後五百佐佑寶厯推鴻延城頭建閣
舊丞相窓戶再新光祿賢手攜大筆恣吟覽老句氣焰

摩星躔當時數赴范公辟秀骨照坐誰差肩功名自許
出絕域歲月漫往脩途遭丈夫有命豈嗟感投老得地
多雲泉霜柑正熟蟹螯美白蟻旋漉浮金船伊予困躓
坐小邑悵望珠履參華筵祝公自此早歸隱幅巾藜杖
詩中仙

中秋登白紵山呈同遊蘇寺丞

平湖萬頃浮青玉嫦娥更攬寒光浴天高星稀魚雁沈
風靜雲消絲管逐試聽郭子今宵歌對月不飲奈愁何

上盡高山萬丈之絕頂側身可以攀明河明河洗君耳
明月照君面暫來空洞無物逍遙鄉安用聲名誇海縣
前年從軍梅山下林黑只憂偏弩射去歲點夫大河北
黃土吹衣無晝夜勞勞功業安在哉出林之木風先摧
有言不得見天子卷舌却出金門來流光差池鬢垂雪
幸對南山值佳節更在桓公遊處遊自紓悲歌更清越
登高何必須重九零落黃花汙濃酒豈如桂子散秋香
承露金人舉纖手舉纖手欲未休月輪忽轉西山頭明

年此會定南北沈思使我增離憂荆榛滿眼世路惡思
忘水覆終難收田文昔日三千客去住如今均一丘噫
吁噫達亦不足恃窮亦不足羞但願明月照我酒古來
秉燭供遨遊因誰為謝北海若酩酊不辨馬與牛

登王知白秀才跋賢亭呈同遊余萬二君

鑿山構亭鄰北郊志慕賢哲忘喧呶豁然千里開林梢
地勢不得藏嵌坳三峯重樓排卦爻二溪聲浪飛怒蛟
漁翁捕魚船尾敲稚子鉗塼爭勝拋小塘圓沙來雁鵝

茂橘間錯黃金包主人情深漆與膠美酒旋漉羅珍肴
亦有麟脯膾海鮫痒背只欠麻姑搔浮生胡為長繫匏
不蹈堅城徒譊譊竊甘祿食憂謗嘲有若夜鼠防饑貓
羨君脫屣心無穀笑傲自足追由巢猛飲未徹雞鳴膠
新詩下筆論卷抄余君酒量辭斗筲醉帽墮地垂鬢髯
萬子能禪誇悟泡我獨愛酒流涎交同趨至樂情何陶

德化默亭觀雪呈鄭令

雪風結海天雲冰夜寒斷盡朱絲繩曉來何處看猛雪

鄭令新亭最高絕倒披貂鼠一登臨飛鳥不飛早光滅
時吟杜甫苦寒詩白鵠翅垂眼流血崑崙關折非吾憂
但願春泥補地裂西南香鑪萬尋玉遠思飄然看不足
欲騎鸞鶴飛其顛身雖未往神明肅又疑夢向瓊池過
王母樓殿高嵯峨粉圖屏風畫未竟隱隱朽筆方森羅
天工好奇人莫識縱心壯觀唧唧酒瓶倒瀝萬籟沈
客子狂歌主人默默胡為乎名斯亭主人意深窺杳冥
不為四時役不擇萬象嘉與時窮通自消息見我狂歌

應哭耶

采石亭觀浪

洞庭秋高北風起怒浪排空日光昧坐見雪山飛從物
外來地軸天關恐將圯移沙裂石失浦溆羣龍呀牙鯨
掉尾舟人但如鸛鳴埵咫尺存亡隔千里嗟哉至柔物
湏洞安可當大禹沒已久巨浸誰為防須臾風收浪亦
靜嫦娥洗月添寒光湘妃妙曲鼓未徹汨羅之魄雲倘
徻而今君臣正相樂法弊一一新更張監司精明郡縣

肅國無忠憤惟循良洞庭怪變自出沒迴首天邊歸雁行

祀南嶽喜雨呈李倅

元吉

六月赤日方炎炎雲不行天龍遁潛陰陽失職帝怒赫
地下萬物遭炮燭農夫爭陂數鬪死驅沙擲土唯飛廉
湖南本錢二十有四萬歲望何以安黎黔府官惶惶使
臺恐祀壇禱嶽惟精嚴君馳副車職其事秘文在板香
盈匱鑲刀割牲薦肴酒夜半奠玉抽靈籤星河收光倏

陰晦雷聲羣羣來山南

協韻

斯須密點欲裂瓦燭光出屋

排龍髯

謂屋溜也

鼃鼃哀啼曉色淡碧澗久涸銀濤添田田

水足稻秀拔旱暵一洗涼颼兼芬馨羅列報神貺文實

之論前賢僉興雲作雨乃誰柄坐視焦灼慳濡霑待茲

誠禱始感發威福自任寧無嫌至理從來莫能詰異景

聊足開吾瞻孤峯翠滑犀露角溢溜飛灑瓊為簾烟藏

拱木半吞吐湘水倒影分毫纖廟門欲出尚回首正似

老筆圖霜縑高吟成章又奇絕睥睨韓杜君何謙嗟余

適為簿書縛不爾從往精神恢蚊蠅休飛夏將盡清露
收拾堆圓蟾何當結軌更一往歷覽舜迹窮高尖羣仙
雖有路歧遠志士豈無巖谷淹收奇拔俊召和氣一國
遂除災青占暫時響應未足數此語非是君仍砭

寄題鄂州李屯田家園仁安亭

頭陀樓閣坐清烟畫屏正落南簷前主人隱几寫風物
幅中瑩爽南昌仙仙翁讀書五千卷道與世背多聲遭
安之不擾靜以養逸我壽老全于天簾櫳疎疎白光透

欄檻寂寂花陰圓黃鸝弄巧子趁母白酒釀熟金為船
淵明醉矣客可去細藤織榻閒欹眠君不見黃鶴樓鸚
鵡洲碧雲欲合天自晚芳草無情春亦愁襴衡白骨瘞
何處曹王舊曲無人收沈吟往事變華髮不飲何以銷
吾憂銷憂乎君且飲醉來天地真衾枕

金陵賞心亭

秦淮青城幾百尺城上高亭望無極南還北去千萬艘
人生何苦戀驚濤百年易得變塵土後世視今今視古

此間風月最為多莫辭把酒呈高歌前朝宮苑荒烟在
樂極悲來亦奈何

鍾山寶公塔

盤盤鍾山古城北夾道青松兩行直浮屠突兀倚雲烟
繪事猶存舊刀尺刀裁尺量不可過浮生不悟欲如何
憑欄直下眎千里多少丘墟藏綺羅

徐州黃樓歌寄蘇子瞻

君不見彭門之黃樓樓角突兀凌山丘雲生霧暗失柱

礎日升月落當簾鉤黃河西來駭奔流頃刻十丈平城
頭渾濤春撞怒鯨躍危堞僅若盃孟浮斯民囂囂坐恐
化魚鼈刺史當分天子憂植材築土夜運晝神物借力
非人謀河還故道萬家喜匪公何以全吾州公來相基
疊巨石屋成因以黃名樓黃樓不獨排河流壯觀彈壓
東諸侯重簷斜飛掣驚電密瓦瑩靜蟠蒼虬乘閒往往
宴賓客酒酣詩興橫霜秋沈思漢唐眎陳迹逆節怙險
終何求誰合頸血濺砧斧千載付與山河愁聖祖神宗

仗仁義中原一洗兵甲休朝廷尊崇郡縣肅彭門子弟
長歡遊長歡遊隨五馬但看紅袖舞華筵不願黃河到
樓下

留題呂學士無為軍謫居廊軒

城頭高軒跳千里數里蒼山兼寒水帆開半落有無間
鳥飛不斷丹青裏北斗疎疎河漢繞蓬萊一登天下小
心隨境化形亦忘誰道霜翎老華表曹公窺吳教水戰
虎貔躡踏鯨鼉轉野父相傳此渡頭魚網時時得遺箭

當場英氣安在哉千年絕景藏蒿萊地祇監護待賢者
欄干倚遍傾金壘目送白雲望堯闕忠功孝名堅一節
明時不作離騷經玉上青蠅解磨滅升沈偶然安足嗟
與君高詠思無邪數聲長笛奏何處微風吹落天之涯
天涯桂樹清輝發萬頃波瀾凍冰雪若承紫詔返瀛洲
此地曾忘遷謫憂

漳南王園樂全亭席上呈同遊諸君坐客劉公
曰有水一池有竹千竿可以賦詩浪士勇起

索筆即其言綴成長調文不加點

樂全有水一池有竹千竿池通兩潮信密竹四時寒引
子黃鸝弄語探魚碧鳥忘還復有佳賓命酌水晶交錯
觥船空中聞玉簫王母想乘鸞問君不醉當何適百歲
憂愁今夕歡嫦娥癡妬理冰盤絳龍蠟淚癡不乾孰知
大海騰波瀾自有人世藏仙源劉公八十精神全留子
造古風義全蔡阮名家文學全王氏世醫陰騰全兀兀
浪士天機全樂全乎且飲酒獨醒懷沙亦何有

題畢文簡公撰李太白碑陰

清風無根長不死太白高名亦如此何人謂是王佐才
文簡雄詞瀉秋水賢孫出守鐫長碑碑成字字生光輝
寵倖妃子已萌亂翩然鳳鳥來非時出林秀木衆欲殺
納官贖命何其危畫船載酒酌明月不著漁蓑披錦衣
醉眠天地即衾枕至今荒冢人疑之丈夫闔棺事未定
後三百歲方逢知知太白文簡公不誇能詩與飲酒惜
其浩氣哭死藏心胷青山老碧洗秋色姑溪濯綠涵春

容太白不見碑可見螭盤翬載傳無窮

寄題湖州東林沈氏東老庵

東林沈郎真隱居山環水遶開方壺何年濯足脫塵網
坐卧七言哦藥珠有時隱几佚吾老萬事不到靈臺虛
甕間綠螳春欲活仙翁夜降青雲車自稱山人號回客
為君猛飲留斯須蚊蠅驅盡燭還滅清風掃地銀蟾鋪
藜花蕉葉鍾與鼎倒卷錦浪吞鯨魚雙瞳湛湛剪秋碧
三山不動喬松孤歛然踊起拂素壁筆灑二韻鏗瓊琚

西鄰已富憂不足東老雖貧樂有餘
白酒釀來緣好客黃金散盡為收書
甕乾吟罷尚攜手寥寥天籟鳴笙竽
渡橋摻袂忽無迹東方漸白飛羣鳥
世人尋仙不可得仙人寓世情何如
桃源歸路杳難問落花流水空踟躕
後來福禍固已驗生死往復猶坦途
園庵不壞子傳業玉琴遺韻寒泉俱
以回易呂未可必回生回生是亦劉
方徒

舟經池州先寄夏寺丞

公酉

去年收帆貴池口聞君高歌撞玉斗今朝至自大湖南
五溪新事為君談一年往返七千里鄉國生還真可喜
君家白醪應已熟正好齊山泛黃菊

留題方伋秀才壽樂亭

君家有亭何壯哉參差碧瓦鴛鴦排重窓靜深門不闌
地布瑩甍光如揩班班簾竹輕風篴日影射午疑瓊階
疊山墮勢危相挨木人圍碁或負柴虎卧洞壑猿攀崖
好鳥上下鳴聲啾真假造物微毫差玉葩照水絕纖埃

絲篴調音衆伎侔水沈焚烟凝晝霾夜晦爛蠟非燃薰
唱酬交錯并詼諧逢逢曉鼓傳官街兩入場屋隨計偕
未得藍綬持簡槐吾寧汲汲同井蛙棄去不顧如弊鞋
沈潛自適江與淮滔滔動靜終無涯圓天方地安形骸
雖然此樂非吾懷嚴慈鬢髮霜華皆嗟今仕祿猶睽乖
行聞投印來歸來亭上致宴羅吳娃吳娃醉唱敲玉釵
綵衣自舞心寧悵心寧悵奉親酒壽樂之榮世希有

青山集卷九

欽定四庫全書

青山集卷十

宋 郭祥正 撰

長句古詩

寄獻荊州鄭紫微

穀夫

李白不愛萬古侯但願一識韓荊州
荊州太守古來好至今文采傳風流
鄭公辭賦天下絕殿前落筆鏗琳瑯
相如嚴謹反枯澀宋玉爛漫鄰倡優
卓然風格出天造冰盤洗露銀蟾秋
麻衣脫去未十載寶犀飾帶魚懸鉤

道行言聽遇明主阜蓋朱轡寧久留渚宮風物最瀟灑
酒滿金罍誰獻酬公嘗愛我如李白恨不即往從公遊
醉看舞袖卷明月夜聽長笛臨高樓詞源感激瀉江海
筆陣頓挫排戈矛驚駘蹇蹶固已困勉之尚欲追驂騑
一朝公歸坐廊廟致君事業如伊周門闌從衛愈嚴密
是時願見應無由行當投印佩長劔夢魂已附西江舟

姑孰乘月泛漁艇至東城訪耿天騰

姑孰望東城長江八十里思君半夜泛漁舟明月隨人

渡寒水江南美酒君家無攜來相就傾一壺澄江如冰
月如玉拂拂清風生碧蘆功名無成安足嗟但令方寸
無疵瑕煉丹辟穀亦瑣瑣萬物何處非生涯君不見鴻
溝欲將天下裂失道陰陵遽身滅玉帳周遭皆楚歌金
甲續紛摧漢鉞重瞳却傳繪塑手瓦鼓巫歌薦神酒廟
前老木藏訓狐豪氣英風亦何有沈吟往事君勿悲我
曹幸遇堯舜時田中穀稔牛羊肥高會難逢易別離今
宵不醉欲安之

西山謠寄潘延之先生

男兒無成羈薄祿日月相推猶轉轂誰向生前悟此生
西山山人掛冠速買田築室臨西山時來石上橫琴彈
千古萬古治亂事一曲兩曲頓挫松風寒門前禾熟醞
美酒故人車馬留盤桓榮亦不足貴辱亦不我干但願
青山綠水兩不變醉醒自得窮觀玩名落人間非所欲
閉門且喜辭憂患君不見李太白朝為酒家仙暮作金
鑾客醉裏題詩宮妾扶自謂遇君今古無一朝讒言入

君耳夜郎遠謫吟魂孤到死空言竟何補何如道行及
妻子西山人孰可比晴空矯矯孤雲飛欲往攀援無路
歧

上趙司諫

彈劔思經綸悲歌負陽春逢時不自結明主空文亦是
尋常人君不見太公辭渭水謝安起東山日月再開天
地正龍虎感會風雲間又不見屈原澤畔吟離騷漁翁
大笑弗舖糟可行則行止則止胡為憔悴言空勞夫君

之名振朝野道行諫聽逢時者南州豈足舒君才天門
夜詔星車迴紫皇之真人造化無嫌猜往將和氣輔舒
慘不令地下萬物同寒灰功成收身綵雲裏坐酌千觴
浮玉藥麻姑王母相經過醉來共泛瑤池水樂亦不可
盡名亦不可窮願學李賀逢韓公他日不羞蛇作龍

贈張御史

公遺

我愛張御史酒船打拍浮闕欲邀天下賢盡向酒中愚
世人雖飲酒只知酒味不知酒意胡為乎又聞夜歸東

海頭撫掌喚月當金壺須臾蝦蟇蝕月黑公起磨刀代
天訣蝦蟇吐月入地走玉兔還家桂樹不枯公方醉卧
嫦娥驚呼旦語東方蒼青龍遲遲推出赫日車自然月
光不滅公飲不徹是時應笑高陽徒

贈提宮諫議沈公

立之

神仙之府名雞籠千尋翠玉擎寒空秀色凌風入城郭
半銜曉日金濛濛賢材間出萬人傑行脫麻衣趨紫闕
三朝出入持使權凜凜聲名灑水雲往年作鎮來金陵

天子臨軒宣老成問公書畫幾萬卷品秩入奏編瑤瓊
延閣往往未嘗有詔札獎與光華生僉言公歸坐廊廟
易節暫刺玄暉城懇請仙宮遽知止車蓋翩翩還故里
粉娥執樂四時春窈窕芙蓉新出水嘈嘈絃管鸞鳳鳴
玉卮獻酒公解醒人生快意似公少家園乃是真蓬瀛
數峯飛來雲霧濕琪樹玲瓏曉寒入綠池水照百花明
芳亭小樹佳賓集有時自賦歸來篇幅巾藜杖詩中仙
秦晉諸子因避世種柳栽桃安足憐顧我登門二十載

貴勢能忘竟相待數奇自笑無所成亦欲浮舟往滄海
滄海雲濤人不爭忘機可以超神凝比公進退殊未足
若問逍遙無鸚鵡

贈孫郎中

景修

江潮夜漲北風惡雙橈喜逢溪岸泊桂陽史君賢故人
借問慙慙吏來數浮橋傾危暗難渡靜枕不眠聽曉角
平明自笑僕乘無破帽赤髯行蹉跎袖持漫刺前起居
屢歎窮愁手頻握嬰兒連死瘦妻卧病骨尚遭讒啄

壯志消盡同寒灰生事無涯委藜藿男兒有命何足論
斗酒貫衣評舊學愛君新篇溢千楮哭兀寒宵見南嶽
龍蛇千丈老松杉霹靂一聲揮電電豈宜偃蹇處郎曹
固合逶迤步臺閣天子聰明繼堯舜廟堂論道皆伊霍
拔茅連茹收時才尺寸高卑應不錯君馳亨路鶚橫秋
我困汙泥龜縮殼

贈張參軍

待舉

宣城之人張待舉高才未得見明主強將樽酒娛天真

猶得狂名落寰宇陶陶復陶陶意氣蛟龍豪滄溟豈是
遠銀漢不為高路逢郭子陵陽津平生未識如故人相
歡握手輒大笑共訪瑤池尋玉真天門夜叉識慮惡為
我無錢謹關鑰興闌却駕彩雲歸別入紅窓共君酌醉
來兀兀乘扁舟長溪水碧芙蓉秋願逢萬丈龍鬚席卷
取明月歸玉樓

贈彭明微判官

昔謁公家賢侍郎一見許我能篇章俸糈兵酒屢持送

時時解榻令登堂今喜清風傳令子回首亭衢脫雙屐
北堂歸養太夫人水陸珍羞稱甘旨深沈大第蟠蛇鱗
兒孫藍綬何詵詵有時宴喜列賓客洞房粉黛桃花春
玉指纖纖拂絃索輕雲凝碧羅衣薄主人快意妾爭妍
松上女蘿知有託君不見景太傅殺身本為功名誤又
不見張舍人朝為近侍夕為民古來寵辱亦如此安用
浮雲纏此身愛君進退真得所不負青春領歌舞我方
兩鬢撲黃塵夢寐江南思舊土別君去將拂衣扁舟若

渡歷陽月願聽新歌酩酊歸

贈陳嫩散

嫩散翁何怪奇形容磊落似元亮情性孤高如伯夷靈臺瑩
徹軒轅鏡妍醜默辨毫釐與釐生涯只寄一壺酒萬事掉頭
予弗知或乘爛醉說儒佛風雲坐騰蛟螭顯晦自任不可測
頭角變化將有時驚人一鳴冲天一飛豈能齷齪事小隱
堯舜君臣方有為嫩散勿嫩散石渠金馬須翁來

贈舒州李居士

惟熙

李居士存心最慕韓伯休州城賣藥不二價世人求我
我何求顏如渥丹眼如漆和氣酣酣吐朝日偶來握手
為一言照盡五臟平生疾篋中自取三粒丹瘦骨坐使
春陽還便當投印棄冠帶與君海上巢名山深鋤茯苓釀酒極
飲形體可長久乘槎鼓枻入雲濤醉放一絲攜六鼇

謝杜倅職方兼簡湯史君

李白昔遊宣城時誰為太守賢相宜掣鈴交通喚六博
壯哉意氣凌虹霓北望樓高氣象古遺風餘思猶依依

我來正值青春半
雜花爛笑禽爭飛
輕烟繚繞淡白日
細風蕩漾吹游絲
高樓簾卷鄰袖出
百尺欄干橫酒旗
銀鞍白馬不知數
龍箏鳳管相追隨
杜陵遠孫駕別乘
恩威得所名聲馳
華堂重構喚賓客
風前共倒黃金卮
我為下客最疎放
辱君許可能文詞
死生夤緣釋氏說
但覺時換名姓非
寄言太守勿感感
共對佳人花下迷
莫教流水落花去
空聞暮雨哀猿啼

謝劉察推

莘老丞相

秋風吹霜入松柏虛谷聲遙寒刺刺月華正高星宿稀
獨鶴不鳴觜插翼是時夫子為我吟逸調雄才世無敵
十年學詩自謂豪一日逢君有慙色恍疑醉夢大帝家
寶藏珠樓不知極蟠桃結實九重春金銀琅玕萬林直
須臾收拾到平淡雨洗高峯增老碧又如摩詰畫思精
一幅霜綃數拳石鬼神怪變露形狀天地英華發胸臆
我家江南謝眺山山深流水長潺潺獼猴摘果趣不去
白雲常在衣裳間斷無車馬送塵土獨與猿鳥期追攀

一杯有酌醉復醉萬慮不到閒中間欲邀君去詠此景
願窺巨筆追揚班其餘功業未足數天馬安得趨塵寰

謝東城練尉

我聞武夷山迺是神仙府靈丹插峭慰異骨留深塢有
時風高月色靜天樂瑤淙散天宇飄飄秀氣鍾為人往
往聲名邁前古練君頭角傑然奇少年折桂登雲梯陸
機才華恨羞澀相如詞調慙支離青衫一命東城尉能
使斯民歌愷悌鸞鳳肯與雞鶩爭萬里雲霄終自致東

城烟水秋茫茫覽古高吟應斷腸白蛇血濺赤龍劍八
千子弟同時亡而今戰處無青草廟門斜掩狐狸老羣
巫請雨搖鐶刀滴瀝椒漿薦蘋藻力拔山兮安在哉丹
青壁畫空塵埃因君吟想不能已孤雁一聲山月頽

謝淮西吳提舉

子中

瘦馬徐行三百里撲撲黃塵眼雙眯手攜簿法趨使臺
惟恐瑕疵煩摘指藍衫慙慙走廊廡與坐撫循顏色喜
琅琅先誦荊州吟醉來捉住鯨魚尾如今無復氣凌雲

關

首低徊逐泥滓須臾又忌按察尊羅列壺觴瞰池水
圓荷翻風碧玉軟幽鷺得魚團雪起正當煩暑浩如秋
更聽高談清入髓君臣會合前世無朝廷萬事圖新美
甲花照日御營寒敵命懸絲朔風裏自嗟雖老力未衰
命未遇知甘擯死南山射虎竟殘年不得封侯亦徒爾
感君欲引西江波洄轍行將脫螻蟻功名成就須報恩
莫道江南無壯士

仲春櫻桃下同許損之小飲因以贈之

君不見古人悲歌愁殺人一片花飛減却春徑須沽取
就花飲暫時爛醉陶天真借令黃金大于斗豈買人間
百年壽但願青春永不歸更得滄溟化濃酒朝酌弗乾
暮傾弗竭東向浮桑採日枝西入瑤池浴明月枯桐三
尺安足彈重華去矣薰風寒夷齊恥食首陽粟屈子徒
佩瀟湘蘭噫吁噉哉賢與愚同歸一死胡為乎共君極
飲且爛醉指點世路皆虛無許損之爾為我滿斟我為
爾高吟相逢莫恨晚結交貴知心坐看南山一片霧忽

成千里萬里之春陰

再遊花山

去年來時春未歸

闕

老枝今日重來春已去

秀葉茂密藏黃鸝
山家景物新換故
世事塵埃朝復暮
白頭迤邐謝輪蹄
青塚綿聯老狐兔
令人歸興如浮雲
早向江山樂賤貧
不須訪道赤松子
朗愛鱸魚并紫萼

酬蔡尉秘校

環峯雨過烟嵐披
君醉兀兀騎驢歸
明朝大字送滿篋

乃是醉掃琅玕詩陽冰篆筆昔未有鐵索礪礪纏蛟螭
禹偁八詠不足數永叔爛浸鐫瑤碑山光水潤洗出大
古色更後敢作知為誰愛君膽大少且銳攬剔缺漏筆
補之飄然一別今七載取讀往往生光輝寧知流落尚
為尉瀟湘邂逅令人嘖又致新章溢編楮遣僕買酒烹
黃雞伊予齒髮更衰落固異往昔相逢時舉杯未盡輒
醉倒跟叻雖強難扶持人生老去百無益談新憶故惟
傷悲勸君休吟亦勿飲榼株拘坐真忘機死生終始了

為一清風為我炎天吹

酬李從道太博

秋水浸天無表裏間帆已過三千里鸚鵡洲前逢故人
往事新愁還可紀祖朝熙熙民物好長憶聯車游五老
鳥啼花舞送春歸倏忽官書滿三考從茲南北趨塵勞
往往遭嗤兒女曹斗筭之祿未能棄回首空羨嚴陵高
相逢彼此驚遲暮筆下琳琅寫心素荷花十頃遶君家
豈是荒榛礙歸路悲歌不覺青衫濕酒杯未滿愁先入

聞說明朝趨玉京直節如今恐難立


公擇鄂守學士三堂請雨

廟門斜開壓江浦紅裳小巫未擊鼓太守焚香令致詞
願駕蒼龍作霖雨三神鼎峙名謂何子胥范蠡馬伏波
圖經莫載碑字滅忠魂血食應不訖朝廷日夜傳新令
輔弼賢良元首聖陰陽調燮神相之忍使斯民饑以病

酬魏炎秀才

碧雲暮合廬山頭夜蛩聲撼鄉園愁忽然一見舊遊客

貫酒不惜千金裘高談稍聽吐胸臆歛如野燒光難收
虎豹哀嗥走不徹獵網四面誰能搜嗟予慄慄畏事者
兀坐視予勞雙眸主人欣歡亟掃室雁榻旋列橫霜秋
兩溪倒碧瀉明月松窓左右風颼颼長篇贈我不可和
和聲酸澀令人羞



青山集卷十

欽定四庫全書

集部

青山集卷十一至
四

詳校官中書臣閔思毅

侍讀臣孫球覆勘

覆校官博士臣劉光第

校對官中書臣王瑣

謄錄監生臣藍嘉璐

欽定四庫全書

青山集卷十一

宋 郭祥正 撰

長句古詩

魏中含家藏王摩詰海風圖

只聞王公畫山水未識王公滄海圖
魏侯矜誇我家有取出十幅堂中鋪
誰知東海羣龍力神妙能以一筆驅
洪濤翻天雪成隴黑分雲霧藏空虛
高低數寸折萬丈勢以意會無差銖
却嗟流傳數百載絹素何以當涵濡

金匱要略卷十一
王公之心壯莫比其工欲出造化初惜哉已死不復得
悵望盡日將何如魏侯魏侯重藏秘直恐變化成江湖
我歌不足徒嗚呼

王元當家藏鍾隱畫三害圖

老鍾筆法何奇古三害精靈一圖聚周生自握蒼精龍
白額長蛟甘喪沮危橋跨水壓波濤巨木翻風暝烟霧
挺然獨往知忘軀敢謂誅邪天地助三日生還動閭里
千載遺蹤存絹素薄蝕已更人仰之自古賢豪遺細故

何獨今人無此人已覺丹青有深趣江南印璽尚如新
國破蒼忙畫誰付一圖分裂藏三家離合悠悠歲時度
只今皆屬丞相孫掛向高堂邀客顧倏然風雲駕霹靂
雨來平地銀潢注珍綈收藏卷不徹直恐變化復入江
湖去

燕待制秋山晚景

王荊公有
詩跋其後

我朝紗畫能山水燕公筆法精無比燕公山水工平遠
一幅霜綃折千里瀟湘洞庭日將晚雲物蕭蕭初滿眼

虞帝之魂招不返霜樹冥冥紅葉卷一妃血淚知幾多
竹上遺痕深復淺漁舟片帆風已滿漁父橫眠思猶懶
時時白鷺聚圓沙亦有行人下前坂江回岸斷數峯青
髣髴靈妃曲可聽却逢深崦見茅屋只欠桃花如武陵
世間何物人爭詫請說奇書并妙畫一時鑒賞安足論
流轉千年愈增價珍綈一襲藏至珍卷尾長篇更入神
嗚呼粉墨終成塵唯有文章道德能日新

夏公酉家藏老高村田樂教學圖

高生妙畫世所知君藏兩幅尤瑰奇春回老柳未全綠
和氣盎盎微風吹負暄當案誰氏子坐以訓詁傳童兒
麻鞋破穿十指露紵衫短袖烏巾欹眼吻開張手捉筆
叱怒底事揚其威兩童分爭迭相挽彼二稚子傍觀窺
一童獨卧守書卷性習已見分醇醪醺然老叟醉兀兀
二孫側立猶扶持餘皆伶官雜村妓插笛放鼓陳威儀
三尺奔來吠欲嚙二人驚顧方攢眉伶家有子少亦黠
兩手據鞍驢載之尊卑向背極精妙精妙得以意思惟

田翁豐年固取樂又能教子勤書詩德澤涵濡賦斂絕
致我鼓腹咸熙熙畫工亦畫太平事誰欲擾之生亂離
高生高生不獨愛爾之妙筆對此頗思三代時

寂照大師匣藏相國寺壞壁秋景

京城車馬多塵埃一見妙畫心眼開深山老木秋思靜
苦霧鬱鬱諸峯埋客騎蹇驢打不動懊惱似憂寒雨來
崖平路轉斗然絕筆力未斷空徘徊胡為鉞剝僅盈尺
鐫以大篋過瓊瑰師云昔是殿堂壁治平大水餘皆摧

恰如盧仝玉碑子中路撲折令人哀玉碑一折乃無用
此畫雖缺猶堪裁君不見山前路路長不獨憂風雨前
有毒蛇後猛虎磨牙矯尾藏深塢聖人皇皇嗟逆旅畫
工意思非無補非無補誰信之紛紛門外誇輕肥

泗水雍秀才畫草蟲

蜻蜓點水蝶撲花螳螂捕蟬蜂趁衙營營青蠅爭腐糝
趯趯阜螽沿草芽餘生骨朽不復得雍子筆老誰能加
卷開却掩恐飛去綈襲愛護行隨車况君才力日清敏

胡不放手為龍蛇
龍蛇逼真看騰躍
出入天地藏烟霞

謝冲雅上人惠草書

上人胸腹包琅玕
醉目睥睨臨冰紈
墨池頃刻波瀾翻
虬龍尾尾垂雲間
搖曳天矯若可攀
霹靂轟斧電火騫
卒章雨雹霏漫漫
瀕洞恐懼坤軸掀
白沙縱橫仆鼉鼉
屋漏壁折安足言
鳥驚出林避彈丸
斗高復下騰脩翰
朽木欲折枯藤攢
逸興不顧長毫乾
客如堵牆爭縱觀
詎知聖盡吾鼻端
黃金論斗珠走盤
數字不售尤為難

爾嘗愛我說玄理為我落筆動盈紙張顛懷素嗟已矣
上人之書無與比

謝鍾離中散惠草書

丈人行草天下無體兼衆善精神俱少年弄翰令懸車
一幅不博千明珠墨池翻瀾化鯨魚老木半折傾藤枯
霜天一陣來雁鶩荒陂數點眠鷗鳬換鶩瘞鶴雖已矣
折釵劒舞成須臾心通造化乃神速伯英懷素真其徒
迹來作我醉吟贊寶藏二妙歸江湖要將垂法數百載

摩挲青玉親傳模丈人善吟仍善奕名譽豈止專能書
名譽豈止專能書皎如浩雪盈冰壺

謝蔣穎叔惠澄心紙

李氏三世皆名書古今筆法誰能如澄心堂中畜妙紙
敲冰搗楮惟恐麤當時文物稱第一教勅往往親涵濡
赫然真龍躍中國僭迹甘就雷霆誅論功行賞盡金玉
唯有此物多贏餘流傳既久乃珍絕一軸不換千明珠
樂安御史輒寄我二十五幅無纖汙却疑織女秋夜醉

素段割裂天所須又如美玉纔出璞瑩采射目爭陽烏
文章未到二王法寶紙謾對明窓鋪廷珪煤麝銅雀瓦
氣象律元尤相於坐思厚貺欲為報累旬安得論鎔銖
况君才力似韓愈盡當返贈誅奸諛

謝餘干陸宰惠李廷圭墨

集仙昔與文忠遊文采聲鳴喧九州鯤鵬未化忽塌翼
地老天荒雲海幽篋中嘗秘上賜墨

仁宗所賜
李廷珪墨

紫金泥

印雙脊蚪名題廷珪姓氏李此物未省何年留紋如堅

犀刮不動鏗鏘觸硯蒼烟浮蜀牋灑落黑勝漆欲論所
直真難酬麟兒字法肖家學珍綈寶匣深藏收并刀截
斷輒分我始信明珠今暗投嗟予吟筆名已閣辨舌倒
卷剛腸柔書陳北闕上印紱志樂南畝親耰耨得君賜
墨竟安用捧翫反覆增予羞况君綠髮眸子瑩才業自
副朝廷求研磨煤麝染諫草扶耄世病蒼生瘳名成功
遂取上笏世闕光焰垂千秋莫如老鈍默將死再拜謝
貺長江頭

謝李公擇惠妙墨二餅

南山來松節北山割麝臍燒烟掃煤和去聲膠漆篆記歲

月形蛟螭集賢學士久珍玩云初得自扶桑枝李得於宗室

張翁所作又精絕磨刮不動猶堅犀鄴臺古瓦汲水試
黑雲隨手生冰池况君學術老益富六經秘法窮無遺
明窓靜几列毫楮而與此物真相宜草玄著就垂萬世
忠厚自任陳安危嗟予吏役久零落至寶暗贈寧非癡
嗚呼大禹已往不復見一尺渾厚疑玄圭

謝王公濟節推惠硯

歛溪之仙洗山骨一輪琢出秋潭月
摩挲清潤無纖痕
不學寒光有時缺玉川輒莫憂蝦蟇
縱爾觜吻何由齧
陰天著手泉脈生三伏臨之水去聲炎熱又如明鏡當晴
窓對面森森數毛髮端江品格直頑賤鄴臺片段多皴
裂中山有客先得之獬豸我冠為忠血竄身南過洞庭
湖覆舟幾葬蛟龍穴君今贈我誠謂何自愧閒官非補
闕松烟和漆法廷珪玉兔長毫妙諸葛敲冰搗楮出烏

田四物收藏豈虛設乾坤俯仰存赤心誅貶奸諛佑臣
節獨刊五傳扶春秋肯趁時文校工拙更衰更老心更
堅與硯相將不倉卒

謝方彥德奉議惠羅文硯

歛溪古源鑿龍尾一片寒冰瑩無比珍綈藏護知幾年
贈我題詩草堂裏驪珠失色悲暗投再拜置之枯木几
硯兮不似在君家捧來自自有纖纖指

中秋泛月至歷陽訪太守孫公素

中秋挈輕舟西泛采石月初疑擢碎冰壺冰又如飛度
雪山雪若非身世出塵寰底事清光透毫髮袁宏謝尚
久磨滅含情欲就何人說歷陽太守孫公素竹冒寒霜
松屈鐵昔從赤縣守儀真再生天門請符節紫皇詔長
雞籠仙惠浹春陽威凜冽開倉出粟賙民饑夜戶不扃
無竊發咄哉此事安足論斯人自養班夔高且聞兵厨
醞濃酒桂子秋香月中有請君置我三百杯我為君吟
一千首壚鉞七竅完混沌能使頽齡遂長久饑橫餽鉞

鱸鯨肉渴引明河傾北斗憑誰為問陶淵明胡為種菊
仍栽柳豈如永夜無纖雲江光月色鋪黃銀喚取三千
珠履客陶然一飲情無垠劉項輸贏亦安在笑殺今宵
月下之醉人

二月十一日倪倅敦復小園留飲

殘梅零落同寒咏屏翳忍驅斜雨來濛濛點滴夜連曉
園館寂寞生青苔墨雲四卷山露碧日轂照耀天衢開
妖桃映竹烟醑酹細柳拂水風徘徊倪公要我共行賞

卷十一
小亭草草排樽罌盈筐菊芽青玉軟滿盤鱗縷紅絲堆
興來一笑且為樂春光半被鶯啼催百年已往五十八
借問餘生真可咍平原豪客散烟霧東山舞妓埋蒿萊
眼前不肯飲五斗身後安能傾一杯

和州連雲觀留題呈太守王純父

連雲之觀何寥廓碧瓦危侵天一角深排柱礎貫九江
返掛簾鉤吞五嶽風檣北去烟冥冥雁陣南飛秋漠漠
白衣每從欄下回金盆正在簷前落蔡公書榜妙入神

劒戟縱橫挫予掣主君自是蓬萊仙分符暫與民同樂
卷舒當為天下霖一釣能令六鼇躍滕王庾亮爾何人
回視規模太平削我從姑孰飛輕舟欲陪珠履登斯樓
與公酣歌相獻酬蘭亭俗飲安足求手搖麈尾排斗牛
為君千載揚風流

謝歷陽王守惠新釀

卓犖英才歷陽守年來不得音書久隔江知我巖戶寒
赤泥封送兵厨酒碧玉壺黃金斗雪樹雲峯作賓友為

君一醉歌陽春空山霹靂龍蛇走只愁君返紫皇家西
望連雲謾搔首

寄歷陽張宗孟隱士

歷陽張君心好古冰不為寒蘄非苦我欲見之波浪阻
安得鄰巢接飛羽百年營營竟埋土進退趨趨亦何補
今歲秣田收幾畝爛醉高吟餘不數

送余秘校

蒼山凍雲猶未消君騎瘦馬來飄飄入門下馬與我語

琅琅滿室鳴簫韶一官初得遭猛守十年困辱朱顏凋
恨無田園即長往醉卧白日歌唐堯去干斗粟活妻子
誰念塵滓汙瓊瑤相逢太息不能已解衣貰酒愁魂消
紅梅零落雪霜洗蒼雁蹭蹬狐狸躋男兒功名顧有命
太公七十方漁樵否極泰來如覆手濶步自此凌烟霄
側聞丞相開東閣肯使斯人重折腰

青山集卷十一

欽定四庫全書

青山集卷十二

宋 郭祥正 撰

長句古詩

送梅直講

聖俞

青風吹天雲霧開仙人騎馬天上來吟出人間見所不
可見嫦娥織女為之生嫌猜織女斷鵲橋嫦娥閉月窟
從茲不放仙人迴一落人間五十有四載唯將文字傾
金壘李白佯狂古來少騎鯨鬣鬣飛沿洄杜甫問訊今

何如應為怪極罹天災公乎至寶勿盡吐吐盡吾恐黃
河水決崑崙摧天穿地漏補不得女媧之力何可裁長
安酒價不苦貴風月但惜多塵埃醒來強更飲百盞酣
酣愚智寧論哉

送袁殿丞

世弼

與君六年別愁見雲開露明月樽中有酒雖獨傾萬古
情懷共誰說思君彈瑤琴琴聲為君咽孤鴻高飛不可
攀北風一送何時還欲問鯉魚更難得江頭白浪高於

山天書彼此絕令人腸百結昨日聞君來我心如鑿龍
門開拂拭囊中白玉璞請君辨之為磨琢感君酬價過
南山即見名聲搖海嶽烹羊買酒邀吳姬今朝會合明
朝離莫嗟兩鬢白雪滿請看舞袖紅雲飛雲飛酒闌君
遂起篙子催行趁潮水君行汲汲過西山手植松篁春
正美我亦歸青山白雲相伴閒若駕鸞鳳赴瑤闕先到
臨川與君別

送錢賢良

醇老

去年六月梓山裏與予披襟弄泉水高談直出堯舜前
長林為我清風起金船滿滿傾醇醪吳娥玉指拈櫻桃
君令勸我盡百殘肝腸但覺翻江濤醉來騎白鹿大笑
還青山倏忽歲月往思君鬢成斑今朝邂逅蕪江頭論
心握手忘離憂暫時會合復言別安得彈劍從之游我
聞紫微薦君策男兒事業豈易得金門慎勿閒經過為
奏天下弊穴如蜂窠

送章秘書

表民

君心抱太古不肯屈世人匹馬遍朔方揚帆出天津九
疑連天洞庭濶長歌愁殺蒼梧神更將美酒弔楚屈離
騷繼作疑前身兩姬不灑望夫淚一笑岳陽樓上春丈
夫得意且為樂百年變化隨埃塵如何南還過我別却
言北去朝天闕上書力訴元足寃洗眼看君成一節勸
君事直還收身速返東南弄白雲功名汲汲竟何益韓
彭取笑武陵人

送楊主簿

次公

浪花卷雪秋風起開帆日行三百里問君此去安所之
佐邑南城風俗美夫君才業真雄奇四十青衫能養卑
世無孔子禮樂壞君獨勇起勤扶持書成未遇聊自哂
暫向南城為吏隱閒入麻源傾酒巵仙家好景無忙時
瀑綃千丈掛蒼壁玉華萬柄搖清池嫦娥東來渡銀漢
面面瑩徹皆琉璃謝公秀句發天籟顏守老筆蟠蛟螭
高風凜凜尚可揖鳥聲不斷哀猿啼嗟予學道苦不早
壯歲形容已枯槁聞說名山心即飛一生願向山中老

愛君逸興何由攀飄如孤鶴遺塵寰若見麻姑與王遠
寄我一粒黃金丹

送耿少府

天隲

白沙岸上相逢時困倚欄干醉似泥忽然聽君誦新作
酒肉頓覺寒風吹今朝邂逅蕪江埃大軸蒙貺東城詩
雷驚電掣露怪變山崩海瀉能扶持令人壯觀不知已
倦翼欲接青雲飛逸駕固當出塵滓胡為一命東南馳
洞庭波瀾洗天吼衡嶽蔥蒼掛南斗窮幽歷險詩魂醒

不倦青衫困趨走屈原賈誼杜子美白骨荒丘今在否
歎騎瘦馬一弔之滿眼斜陽入疎柳詩成寄我慎勿遲
側望陽春活殘朽暫時離異何足論酩酊江樓一樽酒

送徐長官

仲元

徐夫子能談經不學俗儒事章句白首役役勞骸形我
嘗洗耳聽其說寒泉漱玉聲瓏玲十年茅塞一朝拔四
體自豫神安寧交游得君已恨晚歷陽幾日同醉醒新
詩百韻忽贈我滿紙落落排明星使我目睛眩又若遭

雷霆自愧久滅没安足煩褒稱李翰林杜工部格新句
老無今古我驅弱力謾繼之發詞寄興良辛苦幾欲攀
天門擊天鼓女媧有志終難補低頭帖耳逐駑駘倒著
青衫走塵土東風吹破江頭春綠楊紅杏能笑人狂來
且盡一壺酒世無賀老誰相親君今別我又遠適錦帆
千丈迷空碧飄然去意凌崑崙自古雄豪少知識我亦
從今不復言靜香澄江浸寒壁

送李節推

獻父

昨對桃花與君別共唱離人眼中血今見桃花君復來
似與東風趁時節北去南還何日休書生道路多窮愁
安得巨航滿載酒一帆風過蓬萊洲

送李察推

公擇

去年遇君陵陽峯杜鵑聲亂桃花紅佳人玉指接玉板
勸我一醉三百鍾醉來騎鯨赴瑤闕不記當時與君別
溪上扁舟破雪歸樓前芳草還春發白頭太守重相過
開樽大笑呼瓊娥向來十客七已去唯與杜九聞清歌

歌聲繞梁離思苦聽不得終淚如雨回首茫茫天地中
聚散百年能幾許今朝此地重相逢秋漢無情江月空
把酒與君須醉倒已知後會皆衰翁陵陽樂事那復得
官賤食貧身愈迫擊劒高吟非故鄉何時共作滄浪客

送姚太博

彥聖

春風動地吹春去行人不肯江邊住片帆朝掛暮千里
烟霧蒼茫宿何處夫君少年日射策明光宮同時得意
三百輩上林曾醉桃花紅十餘年間事超忽幾在青雲

幾白骨君雖未甚榮亦足有餘樂存心不負聖與賢何
須畫影凌烟閣潯陽城頭北樓壯邂逅相逢觀溟漲魚
龍奔走勢莫分却憶當年兵火愁殺人至今戰場無綠
草冤魂夜哭寒蟾老臨風瀝酒一弔之而我浮生何足
道聊為君行歌數聲青山截斷江流平晴雲相對似能
舞野鳥好語如吹笙却送閒愁付滄海身雖離異心無
改若到蓬萊王母家為攀桃樹遙相待

送陳屯田知明州

屈指宛陵客八九名世賢我亦駕白鹿往往登俊筵昭
亭自作老龍鬬疊嶂不礙明河躔餘霞散綺入高閣澄
江似練拖晴天黃金買酒不論價壯心共許青春前丞
相初為部使者精選邑治君尤先業聞上書後薦達玉
陛引對親承宣付之一節使淮潞三十二縣州無冤嗟
予末路最流落哭兒清淚雙眸穿感君不棄半面雅取
之酒輒投深淵稍回生意漸奮發遽復捨我搖歸船明
朝勅拜四明守四明山水君所憐奈何歲旱天下歎豈

容醉卧滄溟邊我疑帝命養頭角乘春霹靂驚蟄眠白
蘋風靜湖月滿謾弔賀公懷謫仙

送劉繼鄴秀才之岳陽訪木尉

羣鳥栖霜羽毛縮孤雁冥飛何處宿蘆花糝白天無聲
靈妃鼓徹瀟湘曲此時歸夢尋故鄉誰道行人鬢長綠
平生所得惟悲歌時命未遇君如何滿懷策盡獻不售
鳳凰飄泊無嘉禾困鱗不借一盃水異時安用西江波
岳陽高樓掛星斗樓中子真聞舊友請舒和氣邀陽春

便釀重湖作濃酒山葉撩亂舞山鳥縱橫啼古人交道
貴終始樂酣醉倒君莫疑否極泰來不可測豈有壯士
長棲遲豈有壯士長棲遲青雲歧路看橫飛

送吳龍圖帥真定

仲庶

讀書曾不學腐儒腐屑爛舌腸焦枯又不學一詩一賦
輕薄子屑屑場屋名聲沾西州治邑克肖古令尹險欲
臨水投神巫政成名來御史府彈駁庸相請賜雷霆誅
姦邪縮手不敢更侮祖宗法又薦處士博士登石渠富

財治水各稱任乃仗斧鉞臨湘湖興學首教士子弟作
碑後弔屈大夫明年易節帥瀛莫鐵甲百萬雄邊隅公
曰承平勿誇武解藏弓劍寬民租詩筒交迎兩朝使鐫
金刻玉論歡愉深沈不動若山嶽節制似公誰可俱少
年天子聖慮遠却顧南國成荒墟拜公學士往綏撫曾
未暮月富民大姓爭來居秦淮橋傾滯行邁頃刻指畫
窮精麗斬材疊岸役兵校一物不向民間須月光激水
夜景午長虹矯矯當通衢回思昔人政事美盡求形像

堂中圖二十二人最豪傑森森玉樹臨冰壺前題姓名
後書贊文章髣髴窺典謨昨朝除命下金闕再備將印
嚴邊樞南民遮道留不得老幼挽纜相攜扶願言早入
天朝作丞相調燮水旱蘇寰區功成異日保身退西江
秋風熟鱸魚聲尾黃雀更珍絕白糯釀美傾醅醅醅
一飲三百盞琵琶咏木喚舞姝舞姝十八如明珠石榴
之裙蟬翼裾舞徹輕汗潭香膚桃花帶露燕脂濡綠衣
斑斑羅鳳雛問公此樂世有無此樂世有無何必更訪

蓬萊山上神仙都

逍遙亭歌一首贈太守王君章

逍遙之亭在何許城角西南小溪潄水仙粉面浮清波
羽林兵仗森三畝六月微風拂面寒不信人間有煩暑
借問逍遙真隱徒西山看雪倒騎驢形骸兀兀天壤俱
畫手爭以丹青模大言得罪僅免誅斥參軍事來當塗
傳云此地舊結廬百年荆棘遺荒墟公來相址呼犁鋤
雙亭化出瓊璃鋪欄干間角明青朱四座瑩徹纖埃無

蘭芬麝裂陳嬰孟珠履珊珊陪後車東瞻宣詔西浮圖
曉光夕景迷蓬壺愛公心畫如明珠落成之樂政事餘
為公歌勸公醉留連亭上能幾時行促星輶還玉陛

投獻省主李奉世密學

祖朝相國之真孫軒軒冠蓋宜高門拔身州掾入政府
議論挺特窮根原顏淵必用孔丘鑄自此聲名聞至尊
熙寧神化邁前古屢詔馳車外循撫大河之北淮之壩
民起疵癘男歌舞樞庭進直腰橫金君臣道合同一心

貨泉交匯指諸掌老吏縮手隨規箴如公之才世希有
突兀千丈輝喬林徐冠貂蟬坐廊廟重見成王得周召
泰山鏤牒天垂休却笑鴻濛首頻掉賤生流落何可言
四十栖遲埋冗員涸鱗悵望一盃水安用西江浩渺之
波瀾願公吐和氣稍回巖谷春養成尺寸木為公車下
輪他年青史上報德豈無人

俞俞堂寄鄂州李裕老

黃鶴樓南大湖側芙蓉深遠誰家宅云是裕老之宴居

高堂獨榜俞俞額春山抱翠入平簷夏竹引涼吹廣陌
秋江澄月天鏡開冬雪擁林崑閬白世間萬事不掛心
瓮撥香醪欣有客客來乎伴我飲不醉無歸醉還寢問
君欲達逍遙鄉信哉天地真衾枕覺來何物能解醒試
作琵琶打面聲俞俞和氣淡四體安用辟穀求長生君
不見鸚鵡洲前殺禰衡三赤稅杖當雄兵才名誤身不
自覺恬淡晦迹無人爭南北相望二千里夢逐高帆逆
秋水為翁持酒聽翁歌衣濯黃塵眼除眯

懷青山草堂

三峯連延一峯尊
龍山白紵如兒孫
重岡複嶺控官道
北望金陵真國門
淙流奔激灑河漢
兩溪直接丹湖源
松荒檜老古佛剎
雞鳴春晚桃花村
石崩廢井謝公宅
龜仆斷碣長庚墳
斯人白骨已化土
英氣往往成烟雲
我昔棄官結茅宇
九品青衫安足數
竹筒盛酒騎白牛
醉眠仰天與天語
如何蹭蹬隨辟書
十年又向風塵趨
只今兩鬢滿霜雪
功業不成思舊廬
山花解忘憂山鳥

名提壺四鄰未必便棄我三徑荒草還堪鋤烏泥田肥
種秣稻紫萸味美饒嘉魚盈缸釀酒邀客飲林下散髮
時時梳誰人繫爾不歸去自問此心無乃愚

憶五松山

江南富山水忽憶五松山梁僧種松奪造物至今千丈
凌雲間上有寒蟾吐魄凝冰霜下有銅陵碧澗傾潺湲
雷公睥睨不可以揮斧老鶴飛來勢欲止而復還猿猱
側望何由攀琉璃殿閣若化出四天之衆說法鳴金鑼

我嘗脫屣往棲息六月清風無汗顏濃陰可愛坐盤石
綠酒酌盡橫琴彈命宮叩徵天地變聽之以氣往往生
羽翰紛埃不到佛淨國豈識人間行路難塵勞忽起舊
緣想倒騎匹馬來長安脩鱗掉尾業已困涸轍孰與西
江瀾髮疎齒缺形將殘畏塗足躡心膽寒屈原懷沙賈
誼貶身後忠名何足觀不如宴坐碧山裏笑傲每攜雲
月歡明朝却欲渡江去五松巖戶無人關方壺員嶠太
殊絕幸有此山容我閒

洛中王秀才談劉伯壽動靜慕其瀟灑作詩識

之

客來說劉翁嵩山跨黃犢青衣二雙鬟顏色若明玉手
攜綠牙笛隨軒奏新曲倒傾酒榼松下飲旋開氊帳雲
中宿少年富貴老安閒自道此生無不足令人慕高標
神魄頓蕭爽何當插羽翼乘風一飛往永結斯人交逍
遙恣真賞長哦紫霞篇洞戶瓊瑤響胡為戀青衫壯節
空骭髒塵埃一關城郭早波瀾萬頃滄溟廣明朝未作

嵩少游且向江南結魚網

青山集卷十二

欽定四庫全書

青山集卷十三

宋 郭祥正 撰

長句古詩

卧龍山泉上茗酌呈太守陳元興

君不見歐陽公在瑯琊釀泉為酒飲輒醉自號醉翁樂
無涯醉來落筆驅龍蛇電電萬里轟雷車濃陰却掃吐
朝日草木妍媚春爭華斯人往矣道將喪雖遇絕景誰
能誇又不見卧龍山下一泓水源接銀河甘且美惜哉

無名人不聞唯有寒雲弄清泚君攜天上小團月來就
斯泉烹一啜不覺兩腋習習清風生便欲飛歸紫金闕
挽君且住君少留人生難得名山游汲泉滌硯請君發
佳唱鏗金戛玉搖商秋斯泉便與釀泉比泉價詩名無
表裏自愧學詩三十年縮手袖間驚血指君如歐陽公
我非蘇與梅但能泉上伴君飲高詠閣筆無由陪明年
茶熟君應去愁對蒼崖詠佳句

酬運判毛正仲

明公青霄我平地才不超羣懷厚媿小邦苟祿度殘年
側望車塵掩玼癘海浪翻雲古渡頭感公為我須臾留
請說相逢在何處上下梅山成昨游忽得新詩驚老格
飄飄真是金門客蹇驢已困何由攀一夜微吟添鬢白
奉和運判吳翼道留題石室

雙峽天開控江水水自牂牁來萬里端州正在雙峽間
石室嵩臺壓孤壘誰傾北斗酌明河化作七山平地起
脩蘿高張翠羽蓋錦壁深藏赤鳳髓鳴禽交應杵臼聲

駟鹿見人行復止一洞能容百兩車三溪却接滄溟底
闕瞻圓頂碧玲瓏傍穿小竇陰迤邐不應融結施鑄鑱
浪磅乳滴何年始森然物象難悉名古圖脫落猶堪比
老龜闔首龍縮角猛虎磨牙鯨卷尾又如壯士披肺肝
戴主之忠死無已蒼崖題字多唐人髣髴銀鈎唯二李
邕山祇不放雲霧開海神屢汲蟾光洗歐陽古錄遺此
碑我漬香煤傳以紙寂寥相望三百年乃有高才繼瑰
瑋滌陽吳公富文采來擁皇華宣使指霜威暫霽持謙

尊許接清游攜酒醴長絲千結盤雕梅簌簌并刀膾頰
鯉尋仙未遇飲正豪落日嵐烟催返軌明朝大句揮長
篇戛玉鏘金轟兩耳有靈持護歸羊城論價欲酬誰可
擬蔣公毛公並詩伯筆陣酣戰秋風裏越臺朱明被題
遍鵠奔此洞重新美沈侯湘寺陪俊游韓子連山書宴
喜勝槩遂令天下知名齊五嶽無由毀自憐羽翮久零
落只欲卑飛藏棘枳漫將俚語續公歌投老那知遇知
已

奉和廣帥蔣穎叔留題石室

西江赴海穿雙峽十里寒青半天插晴空倒影連明河
滔滔不礙鯨魚呬蛟綃高覆紫微冠翠簾平鋪玉皇榻
中藏石室與嵩臺巨壁稜層老鱗甲欲飛未去鳳逶迤
將蟄還伸龍匝匝浪搖蓬島何其危桂塞廣寒無乃狹
大匠不由基構成洞門大啓無人扃六月來游乃挾纊
酌酒向口疑冰生三溪詰曲愈難涉舉燭但愛烟冥冥
返似霜縑見山水畫手只許吳生是有誰文采如昌黎

物物為我從頭記自慚才短空冥搜俚語未足蒼崖留
元戎聞之索大筆默坐遠想書勝游憑凌風力若捕虎
窘東景象如縛仇那知子厚號雅健不識謝守為風流
桓桓斯人富學海少陵重生謫仙在淙琤擊玉敲黃金
倚馬千言未嘗改高下豈必世俗知浩氣已充天壤內
又如淮陰善將略不戰能令敵先敗暫辭侍從來東南
羊城異日為傳巖不唯已賤吟詠足即看玉牒功名鏡
吳公昔曾賦落落文華精注措毛侯亦許送和章馬上

橫戈寫長句孰去高要陋且遐三篇入石神鬼嗟願揮
硬畫奪劒戟下視鳥跡初遺沙此心雖大慮轉小刻就
頗憂龍作蛇譬之博奕仲尼與羣兒惡用相識譁端溪
石工古稱妙年年琢硯供正衙剛刀截碑易於硯龜螭
相射生彤霞峴山石鼓久缺矣苦縣光和真瘦耶流傳
萬本入中國誰憐此樂瘴水涯共探泉石造淡漠豈憶
冠蓋追榮華公思歸乎欲致主四方飄泊予為家予意
無留亦無去等將幻質隨楊花

奉和梧守蔡希蘧留題石室

疊石稜層萬尋碧老仙自作琉璃宅翛然一徑出人寰
北斗三台無咫尺大巖杳杳吞滄溟小竇疎疎吐朝日
芙蓉羃漉乳成花鱗鬣摧頽龍蛻骨危絃脆管遞仙飈
爛錦輕綃變雲物二字能書玉鈕懸僭銀未是真王質
人亡國變今幾年唯有文章記嵩峯勝游况遇中郎孫
詩擬杜陵相髣髴洪河噴作三門流突騎長驅五十匹
令人驚嗟但縮手近世雄豪無此筆不唯險韻難追攀

學道輸君先得一

奉和蔡希蘧鵠奔亭留別

欄干去天無一赤簾外三山蘸天碧樽傾濁酒延故人
拂拂輕寒添暮色雙鵠飛奔迹已陳滿庭細草自涵春
孤城不復有冤氣法座垂衣逢聖神惟君萬里分符去
蒼梧之邦舜遊處九疑七澤皆相連墨海濡毫寫長句
又如李白才清新無數篇章思不羣挺特千松霜後見
孤高一笛隴頭聞我於詩學非無意黃蘆不並琅玕翠

漫甘薄祿養殘年兩鬢垂絲成底事聲出還吞淚如雨
同氣相求別離苦老來頻寄一行書江邊魚雁無今古

南安劉太守席上勸曾叔達酒

金盞莫辭瓊液滿寶釵休嫌燈焰短圓荷翻雨碧雲香
小妓近人紅玉暖百年流轉能幾時一日相逢須欸欸
扁舟明發下前灘此會清吟應亦罕

勸君歸示南康太守吳子正

勸君歸腰下懸金祿及兒家有良田秔稻肥種菜結實

栗與梨江山滿目烟雲披長年之樂吾無羈何須七十
乃言歸行將七十能幾時分符持節力已疲才德及人
固無盡此身抱病欲何為

儲溪重九阻風戲呈同行黎東美

不登高不飲酒漠漠黃沙翳衰柳扁舟繫纜未敢行江
頭白浪蛟龍吼故園菊花應爛漫客路無窮但搔首却
憶齊山小杜歌人世難逢笑開口

左蠡亭重九夕同東美翫月勸酒

平生看月無今宵一亭危在山之椒下瞰揚瀾連左蠡
白琉璃地覆鮫綃欲披錦袍搥鼓過世無賀老誰相和
屈原憔悴湘水濱夷齊自守西山餓且來登高望明月
拂拂霜風濯煩熱身心都在清涼宮一點無塵光皎潔
與君同游執君手況逢令節當重九不憂短髮還吹帽
頭上有巾先漉酒飲醇酒望明月我歸姑孰溪君赴黃
金闕明年此會知誰健細看茱萸莫輕別

將遊五峯度夏代別倪倅敦復

六月執熱思雲泉五峯參差如紺蓮脩松桀柏上參天
老鶴棲唳哀猿懸婦娥夜濯清冷淵巖戶晃白飛羣仙
胡不往矣逃塵緣散髮赤脚臨風前高軒朱衣君自便
去住彼此遙相憐

和守訥上人五峯見寄之作

木杯足躡浮驚湍却愛五峯如戲鸞一錫飛來卓出蒼
玉髓又有黃金百鎰藏蒲團道人得道每如此條來忽
往非生死叢林成就八百年香厨日供三千指訥師今

亦浮杯徒問答言詞瀉秋水脫去儒冠披壞衣一生長
在名山裏殷勤笑我騎鯨魚詩狂酒怪何時已七言哦
罷欲無言坐看峯頭片雲起

送上饒道士吳師韓復遊淮西

水精之仙降人間身披羽衣目澄瀾或求福禍語必驗
手中開闔陰陽關淮西太守嘉賓客鶴駕却欲乘風還
勸君飲酒莫言術龍虎收藏歸抱一

重九日同修顯惠雲二禪師遊浮山訪洪璉長

老

邑城東南百餘里穿盡荒山渡重水林傾路轉大壑開
峭壁崔嵬半空倚上無勾連下無根鑄鑱難成畫難比
回環巖竇碧玲瓏月華吞吐湖光洗石鼓晝鳴雲雨垂
金雞夜鬪龍蛇起成公說法已千年事載龜趺尚新美
嗟予平生慕佛學空洞忘機造玄理暫來福地神愈清
况接高禪揮麈尾晉顓悟道天下師雲璉聲名自予始
精藍際會付三人淨衆如歸聞法喜今朝更結名山遊

寶閣珠樓同踐履達了無生無不生一聲猿嘯清風裏
龍眠行留別修顯禪師

桐鄉山水天下名龍眠氣勢如長城重岡複嶺跨三郡
磐壓厚地攢青冥東南佛寺號投子寺門洞啓原無扃
雪峯三來道方契鑿井百尺穿重冰至今善利永不泯
輓轡夜轉聞寒聲慈濟玄談載金刻龜趺鱗甲光熒熒
誰憂怪變碎以斧半落崖下莓苔青時移歲晚人事塞
高座竊據非真僧白雲徒侶半凋落泉石往往荒柴荆

我來挾弊眼除眯顯自壽至人天迎隨車貝葉五千卷
寶藏突兀同時成張翁好施古亦少助我福地還中興
老禪咒龍未三日泉發石上吁可驚晨厨千僧用無盡
琅玕引溜何泠泠城中客少民事簡屢攜茗酌來煎烹
叩師玄關問至理心地拂拭菱花明妙峯勝會豈殊此
迷即成凡隨死生明朝官滿重回首別師寫作龍眠行
留別金陵府尹黃安中尚書

扁舟載月入金陵金陵尚書倒屣迎白髮愧彼南山皓

青眼欣逢阮步兵，開壺傾酒飲未已。
卷紙連書吟不停，願如賀監憐太白。
莫作曹公嗔禰衡。

奉和安中尚書同漕憲登長干塔

攬衣登塔窺沈寥，黃金篆牌神所標。
層梯轉道二千赤，鈴索交響風常飄。
天厨曉送阿育供，海月夜領飛仙朝。
南溟安在心欲化，九萬一舉期今朝。
我宋真人啓閭闔，堯舜之運重昭昭。
佛老并儒鼎足盛，理歸一善無煩條。
淨緣勝賞固莫逆，足力强健朋儕要。
昌黎首唱城南句。

東野繼作芬蘭椒諸公筆力鬪穎發七言紙上鏗琨瑤
聚沙疊甃付童子秀實始自春之苗凌空得路未足恃
遇險驚魂安可招龍虎低沈鳳鳥散藉此彈壓無侵妖
四郊松柏列兵衛萬家絃管均咸韶廣莊黔烏類蠛蠓
歲望已覺元鼎調晴川疎樹歷陽近浮雲蔽日長安遙
貫輪巨木徹十地斜飛八角穿重霄扶持故國肖父老
綜領諸剎如孩髻循欄作禮共悲仰絕頂進步誰騰超
迹雖有為志頗壯報且不盡功何遼揮毫題識未云畢

城頭魯角聲迢迢兜綿鋪舒換塵境寶燈照耀銀為橋
乃知此會世稀有請君審聽長干謠

即席和酬金陵狄倅伯通

虎踞龍盤古名郡勢欲凌波予未信偶搖雙槳下天門
白鷺三山隨一瞬捨舟登岸青溪濱濛濛柳眼初含春
感君攜酒喚小妾要我一飲頽冠巾開懷猛酌寧辭醉
明朝且入梁朝寺刀裁赤量非扇迷興來欲跨橫空使
南風更送琳瑯篇明珠十斛投歸船與君定交增浩然

誰謂此行垂橐還

治水謠

去年圩破官不救闕食逋亡十八九今年大水如去年
民困適遭何令賢賢哉何令能治水槍去聲木編蘆多准

擬賞罰公平貧富均赤腳親臨食亡已每趨危墊必身
先往復連宵幾百里浪頭作惡工莫施一拜能令二龍
起白龍先去黑龍隨鱗鬣分明皆見之須臾浪定埂可
禦父老驚嗟咸涕洟西門投巫安足比亦勝乘輿濟溱

消活我生靈十萬家惠澤陰功浹神理天子臨軒方用
才時時有詔搜草萊請歌何令能治水願採斯言獻天
子

遊陵陽謁王左丞代先書寄獻

和父

布衣射策趨蓬萊十年得志聯三台懷仁附義天下悅
忠言屢叩宸聰回不唯盡赦息錢息曾均惠澤覃枯骸
先皇晏駕舊臣老白雲黃鶴空徘徊藩城六見換符節
直道自任寧嫌猜昭亭扶春入畫戟句溪洗月供吟盃

佳賓三千集珠履赤子十萬登熙臺玄暉比公固不足
我攀太白慚非才披雲拂霧一何晚泥滑不敢鞭駑駘
明朝遙邈造賓榻願逢浩氣吹寒灰玉上青蠅本無有
都人爭望公歸來公歸來至尊夢吉天顏開

謝王左丞惠冰酒十五斗

昨夕發姑孰今朝泊敬亭輕雲淡日天地暖杏花吐萼
梅飄零春光一瞬豈足賞聽公疊疊高談傾昔年廷爭
動丹陛君臣道合趨昇平巖廊辭位已十載氣度杳杳

涵滄溟公田種秫作新酒槐槽旋注琉璃瓶不將歌舞
效俗飲時時一酌差獨醒感公贈我十五斗酒量安得
如劉伶願公歸去廟堂上盡使斯民醉醇釀

題橫山陶弘景書堂寺

先生燒丹騎竹馬情戀蕭公碧城下故物無餘只五泉
亦有松風伴瀟灑誰來洗耳復洗心寥寥千載聞遺音
寺門不掩象燈闕猿隔數峯時一吟

代先書寄廬郡朱龍圖

行中

楊花塞路春無聲鳴鳩喚婦留春晴揚鞭朝發浚洎縣
卷簾暮宿金斗城城中主人漢賈誼妙年射策都羣英
嵒冠獨立御史府冰霜凜凜清朝廷堯乘白雲渡銀海
十年望闕心常傾只今淮西課異等沈沈玉帳開府兵
神機照物辨毫髮提刀四顧新發矸行聞召節返西掖
至尊開閣思談經宣容燕寢自頤養畫戟森衛清香凝
陳公雖解豫章榻白頭重愧非徐生飄零漁艇荷蓑笠
揣摩舊學荒柴荆願公一吐太和氣朽株巖下逢春榮

合肥李天貺朝請招鍾離公序中散吳淵卿長
官泊予同飲家園懷疎閣

一閣橫空連野水久客歸來洗雙耳二疎雖解散黃金
家園未必臨清泚坐見紛紛烟雨入千里瀟湘畫圖濕
魚鳥相忘蒲葑深兩岸桃花為春泣鍾離辭榮已三品
吳令早休今八十我亦棄官姑孰間邂逅相過手重執
閣前旋解青板船呼童移櫂選清淵四人白髮笑且飲
岸人疑是商山仙亦如賀監在東吳醉下山陰弄鏡湖

月色蓮香迷近遠且要李白騎鯨魚古人令人樂如此
出處無瑕傲生死君不見功成不退人重著藍衫脫金
紫

麗人曲贈鍾離中散侍姬

髮如盤鴟面如玉飄飄羅袖長芬馥妙年得侍碧虛鄉
自道一生心已足黃鶯流語春日長綠窓繡出金鴛鴦
朝暮祝卿千萬壽不識相思能斷腸

中書舍人陳公元興以詩送吾兒鼎赴尉慎邑

卒章見及遂次原韻和答

嚼君老句勝牛乳又如旱稼濛甘雨龍眠一別魚雁稀
幾度看雲與雲語鳳池搖筆贊帝齡珠璣灑落黃金城
鼻端去壘鬼膽破霹靂轟車風雨驚事君以道非難易
不羨昔人囊有智柏梁屹屹漢庭材寶鼎顒顒周廟器
我在江湖寄此身碧蘆青荇遠黃塵感君問我尚安否
病樹前頭萬木春強汎月船追李白無人愛客似田文

青山集卷十三